

Ordenanza fiscal reguladora da taxa polo aproveitamento especial do dominio público local, a favor de empresas explotadoras de servizos de subministracións de interese xeral (telefonía móbil)

Artigo 1º. Fundamento e natureza

Ó abeiro do previsto nos artigos 57, 20 e 24.1 do texto refundido da Lei reguladora das facendas locais, aprobado polo Real decreto legislativo 2/2004, do 5 de marzo, régúlase a taxa pola utilización privativa ou aproveitamentos especiais constituídos no solo, subsolo ou voo das vías públicas municipais, a favor de empresas explotadoras de servizos de subministracións que resulten de interese xeral ou afecten á xeneralidade ou a unha parte importante da veciñanza, que se rexerá por esta ordenanza fiscal.

Artigo 2º. Feito imponible

1. Constitúe o feito imponible da taxa o goce da utilización privativa, ou os aproveitamentos especiais constituídos no solo, subsolo ou voo das vías públicas municipais, a favor de empresas ou entidades que utilizan o dominio público para presta-los servizos de subministracións que resulten de interese xeral ou afecten á xeneralidade ou a unha parte importante da veciñanza, en materia de telefonía móbil.

2. O aproveitamento especial do dominio público producirase sempre que para a prestación do servizo de subministración se deban utilizar antenas, instalacións ou redes que materialmente ocupan o solo, subsolo ou voo das vías públicas municipais, con independencia de quen sexa o titular daquelas.

Artigo 3º. Suxeitos pasivos

1. Son suxeitos pasivos as empresas ou entidades explotadoras de servizos de subministración que resulten de interese xeral ou afecten á xeneralidade ou a unha parte importante da veciñanza, en materia de telefonía móbil.

2. Teñen a consideración de suxeitos pasivos as empresas ou entidades explotadoras ás que se refire o apartado anterior, tanto se son titulares das correspondentes redes a través das cales se efectúen as subministracións coma se, non sendo titulares das devanditas redes, o son de dereitos de uso, acceso ou interconexión a estas.

3. Tamén serán suxeitos pasivos da taxa as empresas e entidades, públicas ou privadas, que presten servizos, ou exploten unha rede de comunicación no mercado, conforme ó previsto nos artigos 6 e concordantes da Lei 32/2003, do 3 novembro, xeral de telecomunicacións.

4. As empresas titulares das redes físicas, ás cales non lles resulte aplicable o que se prevé nos apartados anteriores, están suxeitas á taxa por ocupacións do solo, o subsolo e o voo da vía pública, regulada na ordenanza fiscal correspondente.

Artigo 4º. Sucesores e responsables

1. As obrigas tributarias pendentes das sociedades e entidades con personalidade xurídica disoltas e liquidadas transmitiránelles ós socios, copartícipes ou cotitulares, que quedarán obrigados solidariamente ata os límites seguintes:

a) Cando non exista limitación de responsabilidade patrimonial, a contía íntegra das débedas pendentes.

b) Cando legalmente se limitara a responsabilidade, o valor da cota de liquidación que lles corresponda.

Poderán transmitirse as débedas xeradas na data de extinción da personalidade xurídica da sociedade ou entidade, aínda que non estean liquidadas.

2. As obrigas tributarias pendentes das sociedades mercantís, en supostos de extinción ou disolución sen liquidación, transmitiranse ás persoas ou entidades que sucedan, ou sexan beneficiarias da operación.

3. As obrigas tributarias pendentes das fundacións, ou entidades ás que se refire o artigo 35.4 da Lei xeral tributaria, en caso de disolución destas, transmitiránelles ós destinatarios dos bens e dereitos das fundacións, ou ós partícipes ou cotitulares das devanditas entidades.

4. As sancións que procedan polas infraccións cometidas polas sociedades e entidades ás cales se refiren os apartados anteriores esixiránelles ós sucesores daquelas, ata o límite do valor da cota de liquidación que lles corresponda.

5. Responderán solidariamente da débeda tributaria as persoas ou entidades seguintes:

a) As que sexan causantes ou colaboren activamente na realización dunha infracción tributaria. A súa responsabilidade esténdese á sanción.

b) Os partícipes ou cotitulares das entidades ás que se refire o artigo 35.4 da Lei xeral tributaria, en proporción ás súas respectivas participacións.

c) Os que sucedan por calquera concepto na titularidade de explotacións económicas, polas obrigas tributarias contraídas polo anterior titular e derivadas do seu exercicio.

Exceptúanse de responsabilidade as adquisicións efectuadas nun procedemento concursal.

6. Responderán subsidiariamente da débeda tributaria:

a) Os administradores de feito ou de dereito das persoas xurídicas que non realizasen os actos necesarios da súa incumbencia para o cumprimento das obrigas tributarias ata os límites seguintes:

- Cando se cometeron infraccións tributarias responderán da débeda tributaria pendente e das sancións.

- En supostos de cesamento das actividades, polas obrigas tributarias xeradas, que se atopen pendentes na data de cesamento, sempre que non fixesen o necesario para o seu pagamento ou tomasen medidas causantes da falta de pagamento.

b) Os integrantes da administración concursal e os liquidadores de sociedades e entidades que non realizasen as xestións necesarias para o cumprimento das obrigas tributarias xeradas con anterioridade.

7. A responsabilidade esixírase en todo caso nos termos e de acordo co procedemento previsto na Lei xeral tributaria.

Artigo 5º -Base imponible e cota tributaria

1. Para determina-la contía da taxa por utilización privativa ou aproveitamento especial do dominio público municipal por parte dos servizos de telefonía móbil, que precisan utiliza-la rede de telefonía fixa instalada neste municipio, aplicaranse as seguintes fórmulas de cálculo:

a) Base imponible

A base imponible, deducida da estimación do aproveitamento especial do dominio público polo servizo de telefonía móbil calcúlase:

$$BI = Cmf * Nt + (NH * Cmm)$$

Onde:

Cmf é o consumo telefónico medio estimado, en liñas de telefonía fixa, por chamadas procedentes de teléfonos móbiles. O seu importe para o exercicio 2010 é de 58,9 euros/ ano.

Nt é o número de teléfonos fixos instalados no municipio, no ano 2008, que é de 323.

NH =95% do número de habitantes empadroados no municipio.En 2008: 997

Cmm é o consumo medio telefónico, estimado por teléfono móbil por chamadas de móbil a móbil. O seu importe para 2010 é de 279,1 euros/año.

b) Cota básica

A cota básica global determínase aplicando o 1,4 por 100 á base imponible:

$$QB = 1,4\% s/ BI$$

$$Cota tributaria/operador = CE * QB$$

Onde:

CE é o coeficiente atribuíble a cada operador, segundo a súa cota de participación no mercado, incluíndo as modalidades de postpagamento e prepagamento.

El valor de la cuota básica (QB) para 2010 es de 3.966,65 euros

c) Imputación por operador

Para 2010 o valor de CE e a cota trimestral para satisfacer por cada operador son os seguintes:

CE; Cota

<i>Movistar</i>	<i>48,87 % euros/trimestre</i>
<i>Vodafone</i>	<i>33,10 % euros/trimestre</i>
<i>Orange</i>	<i>16,58 % euros/trimestre</i>
<i>Yoigo</i>	<i>0,71 % euros/trimestre</i>
<i>Otros</i>	<i>0,76 % euros/trimestre</i>

As cotas trimestrais para satisfacer polos operadores relacionados son a cuarta parte do importe que resulta de aplica-lo coeficiente CE á cota básica establecida no apartado b) deste artigo.

Para os efectos de determina-lo coeficiente CE, os suxeitos pasivos poderán probar ante o Concello que o coeficiente real de participación no exercicio anterior ó de remuneración da taxa foi inferior. Neste caso, as autoliquidacións trimestrais axustaranse aplicando o coeficiente acreditado polo obrigado tributario.

Artigo 6º. Período impositivo e remuneración da taxa

1. O período impositivo coincide co ano natural, salvo os supostos de inicio ou cesamento na utilización ou aproveitamento especial do dominio público local necesario para a prestación da subministración ou servizo, casos nos que procederá aplica-lo rateo trimestral, conforme ás seguintes regras:

- a) Nos supostos de altas por inicio de actividade, liquidarase a cota correspondente aos trimestres que restan para finaliza-lo exercicio, incluído o trimestre no que ten lugar a alta.
- b) En caso de baixas por cesamento de actividade, liquidarase a cota que corresponda ós trimestres transcorridos dende o inicio do exercicio, incluíndo aquel en que se orixina o cesamento.

2. A obriga de pagamento da taxa regulada nesta ordenanza nace nos momentos seguintes:

a) Cando se trata de concesións ou autorizacións de novos aproveitamentos, no momento de solicita-la licenza correspondente.

b) Cando o goce do aproveitamento especial ó que se refire o artigo 1 desta ordenanza non requira licenza ou autorización, dende o momento no que se iniciou o citado aproveitamento.

Para tal efecto, enténdese que comezou o aproveitamento especial cando se inicia a prestación de servizos ós usuarios que o soliciten.

3. Cando os aproveitamentos especiais do solo, subsolo ou voo das vías públicas se prolongan durante varios exercicios, a remuneración da taxa terá lugar o 1 de xaneiro de cada ano e o período impositivo comprenderá o ano natural.

Artigo 7º. Réxime de declaración e de ingreso

1. As empresas operadoras de servizos de telefonía móbil relacionadas no artigo 5º desta ordenanza deberán presenta-la autoliquidación e efectua-lo ingreso da cuarta parte resultante do que establece o devandito artigo nos meses de abril, xullo, outubro e decembro.

2. Unha vez concluído o exercicio 2010 os suxeitos pasivos que probasen, en base de datos oficiais, que a súa participación neste período diferise da porcentaxe aplicada para os efectos do cómputo da taxa regulada nesta ordenanza, poderán solicita-la regularización procedente.

Artigo 8º. Infraccións e sancións

1. A falta de ingreso da débeda tributaria que resulta da autoliquidación correcta da taxa dentro dos prazos establecidos nesta ordenanza, constitúe infracción tributaria tipificada no artigo 191 da Lei xeral tributaria, que se cualificará e sancionará segundo dispón o mencionado artigo.

2. O resto de infraccións tributarias que se poidan cometer nos procedementos de xestión, inspección e recadación desta taxa tipificaranse e sancionaranse de acordo co que se prevé na Lei xeral tributaria, no Regulamento xeral das actuacións e os procedementos de xestión e inspección tributarias, aprobado por Real decreto 1065/2007 e na Ordenanza xeral de xestión, inspección e recadación dos ingresos de dereito público municipais.

3. A falta de presentación de forma completa e correcta das declaracións e documentos necesarios para que se poida practica-la liquidación desta taxa constitúe unha infracción tributaria tipificada no artigo 192 da Lei xeral tributaria, que se cualificará e sancionará segundo dispón o mencionado artigo.

Disposición adicional 1ª - Actualización dos parámetros do artigo 5º

As ordenanzas fiscais dos exercicios futuros poderán modificalo valor dos parámetros Cmf, Cmm, NH, Nt, NH se así procede.

Se non se modifica esta ordenanza, continuarán sendo de aplicación os parámetros establecidos para o exercicio 2010.

Si a presente ordenanza debe ser aplicada despois de 2010, as referencias a este ano, contidas nos artigos 5º e 7º, deben entenderse realizadas respecto a cada un dos exercicios en que se aplique a ordenanza.

Disposición adicional 2ª. Modificación dos preceptos da ordenanza e das referencias que fai á normativa vixente, con motivo da promulgación de normas posteriores

Os preceptos desta ordenanza fiscal que, por razóns sistemáticas reproduzan aspectos da lexislación vixente e outras normas de desenvolvemento, e aquelas en que se fagan remisións a preceptos desta, entenderase que son automaticamente modificados e/ou substituídos, no momento en que se produza a modificación de preceptos legais e regulamentarios de que traen causa.

Disposición derradeira

A presente ordenanza fiscal entrará en vigor o mesmo día da súa publicación íntegra no BOP e será de aplicación a partir do 1 de xaneiro de 2010, permanecendo en vigor ata a súa modificación ou derogación expresa.

Vilar de Santos, 21 de Decembro de 2.009
O ALCALDE,